




A BELLA VITA

Auteur : Tony Toga

G⁺ capo 2

**Quand'a matina m'arrizzu à bon'ora
Sempre cuntentu cum'è un pacha
Mi vene in core di sorte fora
À veda lu tempu, ciò chì vole fà ?**

**Ma s'ellu piove s'ellu hè nivulatu
Mi n'entru in casa è dicu à bà
Stà puru à dorme ùn hè peccatu
Sta mane piove ùn si pò travaglià...**

***O CHÌ BELLA VITA
CHÌ TUTTU U MONDU LA DICA
CAFFÈ CÙ L'ACQUAVITA
ROMU COGNAC È THÉ***

**Dopumeziornu à pena manghjatu
Sentu una voce chì spicca à chjamà
Sta voce hè quella d'un camaratu
Chì per le donne m'invita à andà**

**S'ellu mi vene l'uccasione
D'una zitella à suvità
Subitu aghju la passione
Chì mi ne scordu ancu di manghjà**

*O CHÌ BELLA VITA
CHÌ TUTTU U MONDU LA DICA
CAFFÈ CÙ L'ACQUAVITA
ROMU COGNAC È THÉ*

**Tutte le volte mamma mi dice
Sta galuppata ùn pò durà
Hè megliu chì tù piglia moglia,
A to saluta si ne và**

**Eiu pè e donne sò passiuunatu,
Manghju i soldi in quantità,
À mè ghjè babbu chì m'hà amparatu
È per la vita ùn mi possu scurdà**

BIS { *O CHÌ BELLA VITA
CHÌ TUTTU U MONDU LA DICA
CAFFÈ CÙ L'ACQUAVITA
ROMU COGNAC È THÉ*